


The background of the entire page is a photograph of a landscape at dawn. A bright sun is rising behind a range of dark mountains, creating a golden glow across the sky and the foreground. The foreground is filled with the silhouettes of trees and bushes, some of which are in sharp focus while others are blurred, adding depth to the scene. The overall color palette is dominated by warm, golden-yellow and orange tones from the sunrise, contrasting with the dark silhouettes of the landscape.

Ang Banagbanag

Ang Mantalaan sa Presensya ni Kristo

The Dawn in the Cebuano dialect

Ang Kaugmaon sa Israel ug sa Kalibutan	2
Isigkamagbubuhay Diha Sa Kamatooran.....	11
Mga Gasa sa Espiritu	13
Usa lamang ka Lawas Pinaagi sa Espiritu.....	15
Gasa sa mga Pinulongan	17
Ang Labing Daku Nga Gasa Mao Ang Gugma.....	19
Ang “Pagkadeterminado”	21

Ang Kaugmaon sa Israel ug sa Kalibutan

“Ug unya pagaluwason ang tibuok Israel, ingon sa nahisulat: Ang Manluluwas moabut gikan sa Sion; pagahinginlan niya ang pagkadili diosnon gikan kang Jacob” ug mao unya kini ang pakigsaad ko uban kanila sa diha nga kuhaon ko na ang ilang mga sala.”—Roma 11:26,27

DAYAG sa tanan nga ang tawo sa nangaging gatusan ka mga katuigan nagpuyo sa kalibutan nga kusog kaayo ang kausaban sukad sa pagsugod sa tawhanong kaliwatan. Ang kausaban nakaapekto sa tanang aspeto sa kinabuhi—sosyal, ekonomikanhon, relihiyon, ug politikanhon. Sa paghisgot karon sa mga kausabang politikanhon, atong makita ang usa ka kamatooran sa kasaysayan nga halos ang tanan nga gamhanang naghari nga nanagpanunod sa Europa niadtong wala pa ang 1914 ang gipulihan sa lain nga mga matang sa pangagamhanan.. Atol niini nga susamang panahon, daghan sa populasyon sa yuta ang napailawom sa pagkontrolar sa nagkalin laing matang sa diktadorya. Ang uban niini walay Diyos, diktadurang pang gobyerno. Ang uban mga awtokratikong mga rehimen, nga nakabase kuno sa mga relihiyosong pagtoo. Sa gihapon daghan ang nahimong resulta sa mga hakog sa gahum nga mga tawo kang kansang mga tinguha mao lamang ang pagdumala sa daghan nga katawhan kutob sa ilang mahimo.

Isip resulta niini, sa panahon sugod sa pagbuto sa Unang Gubat sa Kalibutan, adunay usa ka dako nga pagkahugno ug pagkabahinbahin sa mga gobyerno sa yuta, Apan bisan pa, dili kini tanan ingon ana, kay niining mao nga panahon usa ka panaon sa bag-ong mga kanasuran ang nangatawo. Sa daghang mga higayon, kini nga mga bag-ong nasud ang bunga sa nahisgutang pagkahanaw sa gahum sa mga daan nga nagharing monarkiya, kay ingon nga daghan sa mga gipanghuptan nga mga koloniya sa tibook kalibutan ang nagapangita, ug nakakab-ot ug kagawasan gikan sa “inahan” nga mga kanasuran sa Europa.

Usa sa mga kanasuran nga “natawo” sulod sa nangaging gatusan ka

katuigan mao ang Israel. Tingali, mas tukma nga pagaingnon nga ang Israel “natawo pag-usab,” kay kini nga katawhan kaniadto usa man ka nasud, nga adunay kaugalingon nga gobyerno. Apan hinoon, ang daan nga nasud sa Israel ang nakatagamtam sa pagkasahi nga wala sa lain pang katawhan sa yuta, kaniadto o masukad, tungod ka yang iyang pangagamhanan anaa man ubos sa paggiya sa Diyos. Ang mga hari sa Israel ang gihisgotan sa Bibliya nga nagalingkod sa “trono sa Ginoo.”—I Cronicas 29:23

Ang hingpit nga katapusan sa gingharian sa Israel mao nga sa dihang si Sedechias, ang katapusan hari sa nahibilin nga duha ka tribu nga parte sa nasud nga gitawag ug Juda ang gipalagpot ni Haring Nebocodonosor. (Exequiel 21:25-27) Ug dayon ang tibook nasud, ang tanang napulog duha ka tribo ang nahimong binihag sa gingharian sa Babillonya. Kini nga pagkabihag nilungtad sa kapituan (70) ka tuig. Samtang ang Babilonya ang naagaw sa mga Medes ug Persyano, ug si Haring Ciro sa Persya ang nagpagawas ug kasugoan sa kagawasan nga nagtugot sa mga Israelitas sa pagpauli ngadto sa ilang yuta, apan dili sa pagtukod ug balik sa ilang gobyerno.

Sukad niadto, ang Israel nagpadayon nga mga ulipon ang katawhan sa kang bisan kinsa nga nasud nga nagakontrolar kanila, diin sa panahon sa Unang Paganhi ni Hesus sila nahisakop sa Imperyo sa Roma. Sa mga katuigan A.D. 69 ngadto sa 73, Si Tito ang pangulo sa kasundalohan sa Roma ang misakop ug sa katapusan giguba ang Herusalem. Ug dayon ang mga Israelitas nga nahibilin niining makalilisang ug mapait nga kasinatian ang nagkatibulaag sa tibook kalibutan. Kini nga sitwasyon nagpabilin sulod sa mga siglo ug kini siya gitawag sa mga Hudiyo nga panahon sa ilang Pagkatibulaag—o diaspora sa Griyegong pinulungan.

PAGKATIBULAAG GITAGNA

Si Moises, ang naghatag sa balaod sa Israel, nitagna na niining pagkatibulaag sa mga Isarelitas sa nagkalinlaing nasud ug ingon man ang ilang panagtigom pagusab sama sa atong nakina nga gakahitabo na sulod sa niaging siglo. Kini nga panagna nahitala sa 29:24 ug 30:1-6. Ang kaulahiang bahin sa propesiya nagaigon: “The LORD thy God will bring thee into the land which thy fathers possessed, and thou shalt possess it; and he will do thee good, and multiply thee above thy fathers. And the LORD thy God will circumcise thine heart, and the heart of thy seed, to love the LORD thy God with all thine heart, and with all thy soul, that thou mayest live.”

Gitagna usab ni Moises unsa kadugay ang panahon nga ang Israel magkatibulaag ug mawad-an sa iyang kagawasan. Sa ato na nga nakita, ang Israel usa ka nasud ubos sa Ginoo, ug tungod niini nga rason sila ubos sa mga pagdisiplina sa ilang mga dautang binuhatan. Gihisgotan ni Moises ang pipila ka mga silot sa pagdisiplina para kanila, ug midugang pa, “Ug kong nianang mga butanga dili pa kamo magapatalinghug kanako, nan ako magakastigo kaninyo sa makapito pa tungod sa inyong mga salaI.”—Lev. 26:18

Kini nga pasidaan nga “pito ka higayon” nga silot gibalik sa makaupat. Ang mga tinun-an sa propesiya nagtoo nga kini siya usa ka sukod sa panahon. Ang simbolikanhong “panahon,” nga gipahayag sa Kasulatan mao ang panahon sa 360 ka tuig, ug ang kapito niini moabot sa 2,520 ka tuig. Ang Biblikanhong yawe niini nga paagi sa pagihap nahitala sa Exequiel 4:4-6. Tungod kay ang propesiya ni Moises nagpakita man nga kini nga silot bug-os ug naglangkob sa tanan, kita nagtoo nga makataronganon ang pagsulti ug tapos nga kini siya nagsugod sa paghanaw sa ilang kagawasan ug gingharian.

“Sa pito ka higayon” gikan sa paghanaw sa gingharian sa Israel ang magdala kanato ngadto sa A.D. 1914 ug ang mga panghitabo nga nagpalibot niadtong Unang Gubat sa Kalibotan. Gikan sa maong kagubot niabot ang pagpalagpot sa mga Turko sa Herusalem ug sa yuta sa sa Palestinya pinaagi kang British General Allenby. Dugan pa, sa hinapos sa 1917, ang nailang Balfour Declaration ang gihimo sa gobyerno sa Britanya, nga nag abri sa karaang yutang natawhan sa Israel ngadto sa mga nilalin nga mga Hudeyo gikan sa tanang kayutaan. Kini miresulta sa pagtipon ug pagmugna sa Zionist nga kalihukan inubanan sa bag-ong kinabuhi ug paglaum.

Samtang adunay mga temporaryong suliran ug kapakyas sa ubang butang, ang gihimo nga rehabilitasyon sa mha Hudeyo sa rehiyon nagpadayon ingon man ang ilang pagbalik ngadto sa ilang daang yutang natawhan. Gumikan niini niabot ang pagkatawo sa bag-ong nasud sa Israel niadtong tuig 1948. Busa atong nakita, nga niadtong 1914, human sa sobra ka 25 ka mga siglo isip mga binihag nga katawhan sa laing nasud ug imperyo, nga ang mga panghitabo nagsugod na pagkatuman nga nagdala sa nagudnong kagawasan para niining Biblikanhon ug makasaysayan nga nasud.

PANAHON SA MGA HENTIL

Ang bug-os nga kahinungdanon sa Israel sukad niadtong

1914 mas hayag nga makita pinaagi sa pagnotar sa usa ka panagna ni Hesus, kinsa giila sa mga nanguna nga mga Hudeyo karon isip inilang magtutudlo ug propeta. Gipangutanan Siya sa Iyang mga tinun-an mahitungod sa katapusan sa panahon karon. Tipik sa tubag ni Hesus mao, “ang Jerusalem pagayatakan sa mga Gentil, hangtud matuman na ang mga panahon sa mga Gentil.” (Lucas 21:24) Sa panahon niini nga propesiya, ang nasud sa mga Hudeyo, simbolikanhong gitawag nga “Herusalem,” ang “giyatakan” ug kini siya magapadayon hangtud sa nga matuman na ang “panahon sa mga hentil.”

Sulagma uban sa pagpalagpot sa katapusang hari sa Israel, si Propetang Daniel nga naghubad sa kahulugan sa damgo nga gihatag sa Ginoo ngadto sa hari sa Babilonya, nagsulti sa sunodsunod nga upat ka gahum sa kalibutan nga magsugod sa Babilonya. Ang ikaduha niini mao ang Medo-Persya; ikatulo, ang Gresya, u gang ikaupat ang Roma. Ang dibisyon sa Imperyo sa Roma ngadto sa nagkalain laing estado sa Europa saw ala pa ang 1914 ang gipakita pinaagi sa mga tudlo sa tiil sa imahe.— Daniel 2:31-45

Ngadto kang Hari Nobocodonosor, si Daniel nagsulti, “Ang Diyos sa langit mihatag sa gingharian, sa gahum, sa kusog ug sa himaya.” (bersikulo 37) Kini wala magpasabot nga si Nobocodonosor naglingkod sa trono sa Ginoo, sama sa ubang mga hari sa Israel. Kini yano lamang nagpasabot nga, sugod na sa Babilonya, ang pagdumala sa mga Hentil sa ibabaw sa yuta ang Diyos dili na manginlabot, ug kini nga pagdumala ang muabot pa hangtud pa sa kaugalingong katawhan sa diyos, ang mga Israelita.

Hinoon, dili kini siya magpadayon hantud sa hangtud, ang propesiya ni Daniel nagtumong nga kini molungtad lamang hantud sa mga adlaw sa nabahinbahin nga Romano Imperyo---“ang mga adlaw niini nga mga hari”—nga gilarawan sa mga tudlo sa tiil sa imahe. (bersikulo 44) Ug dayon ang Diyos sa langit ang magtukod sa ginharian, o gobyerno, nga “magpabilin hangtud sa kahangturan.” Kini siya nagtumong sa dugay na nga gisaad nga gingharian sa Mesiyas.

Kini makita gikan sa mga panghitabo sa kasaysayan, samtang kini naglambigit sa parehong Israel ug sa nangaging mga dakong imperyo sa mga Hentil ug ang lahi nga propesiyanhong testimonya sa usa’g usa niini, nga ang panahon nga gihulagway ni Hesus nga “panahon sa mga hentil” ang dungandungan sa “pito ka higayon” nga silot sa Israel ug pagkahanaw sa kagawasan niini. Mahinungdanon nga hinumduman ang katumanan sa propesiya sa Bibliya nga niabot niini nga panahon

mao lamang ang mga gagmay nga sinugdanan sa mga panghitabo nga gihisgotan sa Bibliya, kay sa iyang kahumanan. Ang Unang gubat sa kalibutan nga nagsugod niadtong 1914, ang sinugdanan sa bug-os nga kalaglagan sa nangagkatibulaag nga nahibiling Imperyo sa Roma. Mao usab kini ang nagdala nagdto sa nasudnong kagawasan sa Israel.

Ang nasud sa Israel karon usa ka gawasnon nga nasud. Wala na ang mga Israelitas nga walay kaugalingon nilang gobyerno. Ang Israel usa ka nasud taliwala sa mga kanasuran sa kalibutan, dili na ulipon sa Roma o kaha sa bisan asa nga Hentil nga gahum. Kini siya adunay lumulupyo nga sobra sa 6.2 milyones nga mga Israelitas, ug mapasigarbohon nga ikatulong pinakataas nga matang sa panimuyo sa Asya. Kini ang usa sa naguna nga nasud sa kalibutan sa daghanang parte sa paninguha. Ang nasud sa Israel dili ingon nga walay kalisod, hinoon tungod sa ilang pakig-away sa pipila ka mga gubat nga nagsunod niadtong 1948 para mamentenar nila ang ilang kagawasan. Bisan pa man niini, ang Israel nagpabilin nga usa ka gawasnong nasud, ug gani mas malig-on, hangtud sa punto karon, human sa mga 67 ka tuig, nga sila giila nga usa sa pinakagamhanang nasud sa kalibutan. Ang mga panghitabo nga nagdala ngadto niini nagsugod sa hinapos sa “pito ka higayon” ug sa “panahon sa mga Hentil” nga gipanagna ni Moses ug ni Hesus.

MGA NAGINTEBINER NGANGA MGA PANGHITABO

Daghan sa mga mahinungdanong kasinatian sa mga Israelitas isip katawhan sa panahon sa ilang pagbangon taliwala sa mga kanasuran ang gisulti usab sa Bibliya. Usa sa mga propesiya nga naghulagway niini mao nga ang Diyos “magdala pag-usab” sa ilang “pagkabinihag.” Kini nga sinultihan nigawas sa Joel 3:1,2, diin ang Ginoo nag-ingon: “Kay, ania karon, niadtong mga adlaw, ug niadtong panahona, sa diha nga bakwion ko ang pagkabinihag sa Juda ug sa Jerusalem, Pagatigumon ko ang tanang mga nasud, ug pagadad-on ko sila ngadto sa walog sa Josafat; ug ipakanaug ko ang hukom kanila didto tungod sa akong katawohan ug tungod sa akong panulondon nga Israel, nga ilang gipatibulaag taliwala sa mga nasud: ug ilang gibahin ang akong yuta.” Mahinungdanon nga atong notaran nga ang pulong “binihag” niini nga teksto, matod pa sa Strong’s Concordance, nagpasabot sa “ang daang kahimtang sa kauswagan.”

Sa bersikulo 9-14 niini nga kapitulo gitagnan ang panagtigom sa mga hentil nga nasud nga susama sa maggugubat, ug “ang walog sa Josafat” gihulagway nga ingon sa “walog sa desisyon.” Niini nga panagtigom sa mga kanasuran adunay preparasyon para sa gubat nga diin, sa

simbolikanhong pinulungan, ang mga nasud ang giingon nga mopildi sa ilang “punta sa mga daro ngadto sa espada,” u gang ilang “ mga galab salsala ngdato sa mga bangkaw.”

Ato kining nakita nga mga panghitabo sa panahon sugod sa 1914, u gang propesiya nagpunting nga mao kini nga panahon nga ang Ginoo ang “magdala balik” sa “pagkabinihag,” o sa niaging kaharuhay sa iyang katawhan. hares into swords,” and their “pruninghooks into spears.” We have seen this taking place in the era beginning with 1914, and the prophecy points out that it would be during this time that the Lord would “bring again” the “captivity,” or former prosperity, of his people. Gani, sa pagkatinood ang kauswagan sa Israel ug ang mga pagkaharuhay niini sulod niining panahona ang hinungdan nga ang mga nasud ang nanagkatigom ug tingob batok kanila.

Parehong makahibulong mao ang panagna nga naghisgot sa kamatooran nga ang Ginoo aduna “pagpakiglalis sa mga kanasuran” adunay kalabutan sa iyang katawhan ug sa ilang yuta. (Jer. 25:31) Bersikulo 2 sa Joel 3 naghisgot sa pagnahin sa yuta. Kini usab siya nahitabo, kay nasayod kita nga mga hentil nga kanasuran wala motuman sa ilang mga saad nga nahisulat sa Balfour Declaration ug giresolbar ang problema diha sa paglimitir sa Israel sa gamay pa sa tunga sa yuta nga gisaad kanila sa Diyos. Bisan tood nga nakuha ug balik sa Israel ang uban niini, sa gihpaon tipik lamang ang ilang gipanag-iyahan sa yuta nga gihatag kanila sa Diyos.—Gen. 13:14,15

“KAHADLOK” UG DILI “KALINAW”

Laing mga propesiya nagpadayag usab nga ang panahon sa pagkahiusa pagbalik sa Israel ang mag atubang ug daghang kalisdanan. Gisulat ni Jeremias: “Kay, ania karon, ang mga adlaw moabut na, nagaingon si Jehova, nga bakwion ko nag pagkabinihag sa akong katawohan nga Israel ug Juda, nagaingon si Jehova: ug pabalikon ko sila ngadto sa yuta nga gihatag ko sa ilang mga amahan, ug sila magapanag-iy a niini. Ug mao kini ang mga pulong nga gisulti ni Jehova mahatungod sa Israel ug mahatungod sa Juda. Kay mao kini ang giingon ni Jehova: Nakadungog kami ug tingog sa pagkurog, sa kahadlok, ug dili sa pakigdait. Mangutana kamo karon, ug tan-awa, kong may usa ba ka lalake nga nagaanak: ngano man nga nakita ko ang tagsatagsa ka lalake nga nagapanighawak, sama sa usa ka babaye nga nagaanak, ug ang tanang mga nawong nangaluspad? Ah! pagkadaku nianang adlaw sa pagkaagi nga walay mausa nga sama kaniya: ngani maoy panahon sa kasamok ni Jacob: apan siya maluwas gikan niana.”—Jer. 30:3-7

Ang kahulugan niini nga propesiya klaro. Kini nagpaila nga bisan pa nga niabot ang panahon sa mga tawong anaa sa kasaysayan ang gipahiguli ngadto sa ilang yutang natawhan, sila ang makasinati pa ug kahadlok ug pagpangurog---nga dili dihadiha dayon ang panahon sa kalinaw ug kalipay para kanila.

Sa pagsugod, adunay dakong pagpangalipay sa dapit sa mga Hudeyo tungod sa Balfour Declaration ug ang nisunod nga implementasyon pinaagi sa kasugoan sa League of Nations. Kini nga kasugoan ang gihimo aron sa paghatag ug kasiguroan sa pinuy-anan sa mga Israelitas sa yutang gisaad nila. Sa usa ka tino nga pamaagi gisugdan ang pagpauli nila gikan sa dugang nga pagkabihag.

Hinoon, sa wala madugay, ang mga Hudeyo sa Alemanya, Austria ug Poland ang bangis nga gipanglutos sa rehimen ni Hitler. Kini nagdugang pa gayud ug nagpadayon sa kinatibuk-an a katuigan sa Ikaduhang Gubat sa kalibutan, nga diin sulod niini nga panahon nahitabo ang wala gayud masantop sa hunahuna nga pagpamatay, nga diin unom ka milyones nga mga Judeyo ang gipamatay, ug dili maihap ang nawad-an ug pinuy-anan.

Samtang, tungod sa pagsupak sa Arabo, ang ganghaan ngadto sa ilang yutang gisaad ang gisarado sa dugang pa nga paglalin—gisarado sa panahon nga diin kini silang mga nagaantus nga katawhan nanginahanglan sa yutang natawhan labaw sa ilang pagpanginahanglan kaniadto. Sa pagkatinood, mao kadto ang “tingog nga nagakurog, sa kahadlok,” nga diin ilang nadungog, ug dili sa pakigdait.

Laing propesiya nga nagmatood sa kinatibuk-ang paagi ngadto sa parehong talagsaong kombinasyon sa mga panghitabo nga mabasa: “Busa, ania karon, ang mga adlaw ania na, nagaingon si Jehova, nga dili na pagaingnon: Ingon nga ang Dios buhi, nga nagdala sa mga anak sa Israel gawas sa yuta sa Egipto; Kondili, mao kini: Ingon nga si Jehova buhi, nga nagdala sa mga anak sa Israel gikan sa yuta sa amihanan, ug gikan sa tanang mga yuta diin sila giabog niya. Ug akong dad-on sila pag-usab ngadto sa ilang yuta nga gihatag ko sa ilang mga amahan.

Ania karon, ako magpakuha ug daghang mangingisda, nagaingon si Jehova, ug sila mangisda kanila; ug sa human niini magapadala ako ug daghang mga mangangayam, ug sila mangayam kanila gikan sa tagsatagsa ka bukid, ug gikan sa tagsatagsa ka bungtod, ug gikan sa mga lungag sa mga pangpang.”—Jer. 16:14-16

Kini nga propesiya nagpakita nga kon moabot ang panahon para sa

mga Israelitas nga mobalik ngadto sa ilang yuta, himoon gayud ang pagpaningkamot nga mapilit sila sa pagbalik. Ang Ginoo nag-ingon nga siya magpadala ug mga “mangingisda” para “mangisda” kanila. Kini siya ang tingali natuman sa maayo pinaagi sa ginatawag nga Zionist organization, nga gitukod niadtong 1896 ni kanhing Theodor Herzl. Ang mga mangingisda nagagamit ug paon para makakuha ug isda, ug sa daghang mga katugan ang Zionist organization nagtudlo ngano nga ang mga Judeyo kinnahanglan mobalik sa ilang yuta, u gang mga bentaha nga ilang maangkon kon ilang himoon kini.

Hinoon, dili daghang mga Israelitas ang giugos sa pag-adto ngadto sa Yutang Gisaad niini nga paagi, bisan tuod nga si Herzl ang gitamod sa bag-ong Israel. Usa sa mga lugar sa Herusalem nga makapatandog mao ang memorial garden nga nagyuko kang Herzl. Ang batoong agianan ngadto sa iyang lubnganan nagsimbolo sa proseso sa pag-uswag sa nasud sa mga Hudeyo. Wala makawang ang gimbuhaton ni Herzl.

Ang propesiya nag-ingon nga ang Ginoo magpadala usab sa mga “mangangayam ug sila mangayam kanila.” Dinhi gisugyot ang mas pwersadong pamaagi. Lakip niini sa walay duhaduha angayan nga ilakip ang mapait nga paglutos sa mga kamot ni Hitler sa panahon sa Holocaust. Kini nga partikularmente nga pamaagi ang nagdugang pa ug samot hangtod nga hapit ang tanang Hudeyo sa Europa nga wala mamatay ang gihimo nga mangandoy sa ilang yutang natawhan ug mabalak-ong makablik ngadto kon makakita ug kahigayonan.

Laing propesiya nga nagpunting sa maayo subay niini nga linya nga atong mabasa: “Ingon nga ako buhi, nagaingon ang Ginoong Jehova, sa pagkamatuod uban ang kamot nga gamhanan, ug uban ang tinuy-od nga bukton ug uban ang kaligutgut nga binubo, ako magahari sa ibabaw ninyo. Ug panguhaon ko kamo gikan sa mga katawohan, ug tigumon ko kamo gikan sa mga kayutaan diin kamo gipatibulaag, uban ang kamot nga gamhanan, ug uban ang bukton nga tinuy-od, ug uban ang kaligutgut nga binubo; Ug kamo dad-on ko ngadto sa kamingawan sa mga katawohan, ug didto hukman ko kamo, sa nawong ug nawong.”—Exequiel 20:33-35

Adunay kasuko nga makita sulod usa ka gatus ka tuig sukad niadtong 1914 nga may kalambigitan sa mga paninguha sa mga Israelitas nga molalin gikan sa nagkalin laing nasud nga diin ilang gipuy-an, ug aron pagtukod sa bag-ong panimuyo para kanila didto sa yuta nga gisaad. Sa natagna na, bisan kadtong anaa na didto ang anaa sa “kamingawan sa mga katawhan,” tungod kay sila nakigambit uban sa tanang katawhan sa yuta sa kasakit ug kawalay kasiguroan niining panahon sa kagubot sa

kasaysayan sa tawo. Wala pa nila makaplagi ang kalinaw ug kaluwasan.

Sa sunod bulan nga gula sa Ang Banagbanag [The Dawn] atong susihon ang ubang mga umalabot nga panghitabo nga gihulahqay sa propesiya sa Bibliya nga naglambigit ngadto sa Israel ug sa ilang buluthaton diha sa plano sa Diyos. Ato usab nga ikonsiderar ang mahimayaong paglaum para sa Israel ug sa tibook kalibutan sa walay katapusang kalinaw, kaluwasan, ug kinabuhi nga pagatukoron pinaagi sa matarong nga pagdumala sa gingharian sa Mesiyas—nga diin ang daghanang minilyon nagampo sa dul-an duha ka libo ka tuig, “Umabot ang imong gingharian. Matuman ang imong pagbuot dinhi sa yuta.”—Mateo 6:10 ■

Isigkamagbubuhat Diha Sa Kamatooran

Yabeng Bersikulo:
“Busa, kinahanglan
kita magadawat kanila,
aron mahimo kitang
masigkamagbubuhat
alang sa kamatu-
oran.”—III Juan 8

Napiling Kasulatan: III
Juan

NAHAUNANG sulat, ang tagsulat naila sa iyang kaugalingon nga mao ang “magulang sa Iglesia” ug gidawat sa kadaghanan nga mao si Apostol Juan. Iyang gitumong kini nga sulat ngadto kang “hinigugmang si Gayo, nga gihigugma ko diha sa kamatuoran.” (III Juan 1) Bisan tuod si Gayo nagpakita nga huyang diha sa iyang pisikal nga panglawas, si Juan miila sa iyang espirituwal nga kalagsik, ug nagmaya diha sa mga pagpamatuod nga iyang nadawat gikan sa mga kaigsoonan nga

si Gayo “nagalakat sa kamatuoran.” (Bersikulo 2-4) Gidayeg gayud ni Juan si Gayo ilabi na sa pagkamaabiabihon ug paggamit sa iyang personal nga mga kapaninguhaan sa pagtabang sa pagsangkap alang sa mga panginahanglan sa mga alagad nga nagapamuhat diha sa ministryo sa Ebanghelyo.-Bersikulo 5-7

Si Apostol Pablo usab mitumbok sa usa ka panginahanglan alang sa mga magtotoo sa pagpuyo sumala sa panig-ingnan sa Kristohanong panggawi nga gipakita sa matinud-anon nga mga kaigsoonan sa Unang Iglesia. “Sa kataposan, mga igsoon, bisan unsang mga butang matuod, bisan unsang mga butang dungganon, bisan unsang mga butang matarung, bisan unsang mga butang putli, bisan unsang mga butang hiligugmaon, bisan unsang mga butang nga may maayong kadungganan; kon adunay hiyas, ug kong adunay pagdayeg, hunahunaa kining mga butanga. Kadtong mga butang, diin inyong nakat-onan , ug nadawat ug nadunggan ug nakita kanako, buhaton ug ang Dios sa pakigdait magauban kaninyo. “- Filipos 4: 8,9

Ang atong yabeng bersikulo mao ang pag awhag kanato, ingon nga mga konsagradong mga magtotoo, nga mahimo nga alerto sa mga kahigayonan alang sa paghatag ug bisan unsa nga suporta nga atong ikadalit ngadto sa uban nga mga kaigsoonan kinsa mobiyahe sa matag dapit aron sa

pagsangyaw sa pulong sa Diyos. Ang maong mga tabang mahimong maglakip sa pag-abiabi sa maong mga alagad diha sa atong mga panimalay, ug sa pipila ka mga higayon, kon angay, mahimong maglakip sa paghatag sa pinansyal nga tabang. Sa tanang mga kaso, bisan pa niana, kita adunay pribilehiyo sa pagsuporta sa mga makahimo sa mas aktibo nga moapil diha sa ministeryo pinaagi sa atong mga pag-ampo alang kanila ug sa mga pulong sa pagdasig.

Nagpadayon si Juan, nga nag-ingon, “May gisulat ako nganha sa iglesia; apan si Diotrefes, nga buot gayud magpakalabaw sa tanan, nagadumili sa pag-ila kanamo. Busa kon mahianha na gani ako diha, hinumduman ko ra unya kining iyang gibuhat, sa iyang pagyawit batok kanako pinaagi sa dautang mga pulong. Ug wala pa gayud matagbaw niini, siya nagadumili sa pagdawat sa mga igsoon, ug iyang gidid-an sila nga buot unta modawat kanila ug iyang gipapahawa sila gawas sa iglesia. Hinigugma, ayaw pagawat sa dautan kondili awata hinoon ang maayo. Siya nga nagabuhat ug maayo iya sa Dios; apan siya nga nagabuhat ug dautan wala gayud makakita sa Dios.” — 3 Juan 9-11

Sukwahi sa matinud-anon nga si Gayo, kini gikinahanglan alang kang Juan nga maghatag ug usa ka publiko nga pagbadlong kang Diotrefes, nga nagpakita ug garbo ug sa usa ka diktador nga espiritu, bisan pa ngadto sa punto sa paggamit sa iyang impluwensya sa pagpugong sa uban gikan sa pag-abiabi kang Juan ug sa ubang matinud-anon nga mga mamumuo diha sa buluhaton sa Dios. Ingon sa usa ka pagtapos niini nga sulat, si Juan, pinaagi sa kalainan, naghisgot kang Demetrio ingon nga usa ka kasaligan nga igsoon nga lalake kang Gayo, ang usa kansang Kristohanong panggawi nibarog nga aprobado.—Bersikulo 12

Usa ka susama nga leksyon nga susama niini nga sulat gisulat usab ni Apostol Juan, dili lamang alang sa mga tawo nga nagpuyo sa iyang adlaw, kondili alang usab sa tanan nga mga konsagradong mga sumusunod ni Kristo sa tibuok Kapanahonan sa Ebanghelyo. Kini nga mga pulong, nga gihatag ngadto kang Juan pinaagi sa nabanhaw nga Ginoo, nag-ingon: “Ayaw kalisangi ang mga butang nga sa dili madugay imo nang pagaantuson. Tan-awa, ang uban kaninyo hapit na ibanlud sa yawa ngadto sa bilanggoan, aron masulayan kamo, ug pagasakiton kamo sulod sa napulo ka adlaw. Himoa ang pagkamaunongon kanako bisan pa sa kamatayon, ug hatagan ko ikaw sa purongpurong nga kinabuhi.” — Pinadayag 2:10 ■

Senemanang Pagtolun-an sa Bibliya

Leksyon para sa Mayo 10, 2015

Mga Gasa sa Espiritu

Yabeng Bersikulo:
“Apan ngadto sa
matag-usa gikahatag
ang alamag sa Espiritu
alang sa kaayohan sa
tanan.”—I Corinto
12:7

Napiling Kasulatan:
I Corinto 12:1-11

SI PABLO dinhi nakigpulong sa mga igsoon sa Corinto nga kanhi mga magsisimba sa mga dios-dios. Siya nagpahinumdom kanila nga ang mga sumusunod ni Kristo kinsa mga tagadawat sa pipila ka milagrosong mga gasa adunay ingon niana nga mga gahum nga gitugyan diha kanila pinaagi sa walay laing tinubdan kondili ang Espiritu Santo sa Diyos. Kini nga mga gasa, sa diha nga maggamit, mag-alagad ingon nga usa ka saksi sa pagpalig-on sa pagtuo sa umaabot nga mga magtutuo nga ang “maayong balita” sa Ebanghelyo nagmantala sa usa ka oportunidad sa kaluwasan alang sa tanan nga mga katawhan gikan sa sala ug sa kamatayon. Sila dugang nga nagpamatuod sa kamatuoran nga si Kristo mitugyan sa iyang kinabuhi ingon nga usa ka halad, ug human niana nabanhaw ngadto sa himaya ug kadunggan, nga naglingkod sa tuo nga kamot sa Diyos. Ang imbitasyon nga mamahimong sumusunod sa lakang sa atong Ginoo, ang matinud-anong pag-alagad sa iyang kawsa bisan hangtud sa kamatayon ug maghari uban kaniya sa gingharian sa Diyos, maoy laing mahinungdanong aspeto niini nga testimonya. Busa, si Pablo miingon nga bisan kinsa nga nagtumong kang Jesus nga “tinunglo” naghatag og ebidensiya sa dili pagpakig-uban sa Kristohanong ministryo.—I Cor. 12: 1-3

Ang atong leksyon nagpadayon: “Karon may nagakalainlaing mga hiyas, apan mao ra nga Espiritu. Ug adunay mga kalainan sa pag-alagad, apan mao ra nga Ginoo. Ug adunay nagakalainlaing kalihokan, apan mao ra nga Diyos ang nagabuhat sa tanan diha sa tanan.” (Bersikulo 4-6)

Unya nisunod ang atong Yabeng Bersikulo, nga nagpahayag nga atol sa panahon sa mga apostoles, ang tanan nga mga konsagradong magtutuo adunay usa ka “pagpadayag sa Espiritu,” nga gihatag alang sa katuyoan sa pagtabang sa paglig-on sa lawas ni Cristo. Gani, ang ubang mga

kaigsoonan aduna may kapid-an ka mga talento nga pwedeng maggamit diha sa ilang pagpangalagad sa Dios.

Dayon gilatid ni Pablo ang pipila sa daghan nga mga gasa diin mahimong napanag-iya niadtong gipanganak sa Espiritu Santo. Siya naghigot sa kaalam, kahibalo, hugot nga pagtuo, gahum sa pag-ayo, pagbuhat og mga milagro, propesiya-nga mao, ang katakos sa pagpatinaw sa pulong sa Dios. Iyang gihisgotan ang mga pag-ila sa matarung batok sa mga dautang espiritu, ang abilidad sa pagsulti sa lain-laing mga pinulongan ug diyalekto, ingon man sa gasa sa paghubad niini aron nga ang mensahe sa Ebanghelyo masabtan sa mga tigpaminaw diha sa ilang lokal nga pinulongan.-bersikulo 8-10

Kining tanan nga mga nahisgutan nga mga gasa gihatag sa Espiritu Santo, bisan sila giapod-apod ngadto sa mga magtutuo sumala sa kabubut-on sa Dios. Ang pag-ila niini nga kamatuoran kinahanglan nga magsilbi aron nga mapugngan sa mga dumadawat ang mga pagbati sa garbo o pagkalabaw kon itandi sa uban nga wala niana nga partikular nga gasa. “Kay kinsa bay naghimo kanimo nga lahi sa uban? Ug unsa bay anaa kanimo nga dili mo dinawat? Ug kon kini dinawat man, nganong magpasigarbo man ikaw nga morag dili kini hinatag?” —I Cor. 4:7

Ang atong leksyon nagtapos sa dihang si Pablo naggamit sa lawas sa tawo ingon sa usa ka hulagway sa mga panaghiusa ingon man usab sa pagkadaiya. Kini usa ra, apan gilangkoban sa daghang mga miyembro. Maingon nga adunay nagkadaiya nga mga gasa atul sa panahon sa Nahaunang iglesia, ang mga konsagradong mga magtutuo sulod niining kapanahonan nagkadaiya man sa nagkalain-laing aspeto, ingon nga mga miyembro sa lawas ni Cristo. Gikan sa baroganan sa Dios, mahinungdanon kaayo kini alang sa katumanan sa Iyang walay katapusan nga katuyoan. I Cor. 12:11,12

Makahimo unta kita sa pagtamod sa katinuoran nga kining kinatibuk-ang han-ay ubos man sa Diosnong pagdumala. Sa dihang ang Iglesia mahiusa na diha sa himaya uban ni Kristo Jesus, kadtong tanan nga uban kaniya mao ang ginaingon nga mga “ginatawag, ginapili, ug mga matinud-anon.” —Pinadayag 17:14 ■

Usa lamang ka Lawas Pinaagi sa Espiritu

Yabeng Bersikulo: **ANG LAWAS SA TAWO, sa gihulagway**
“Kay pinaagi sa usa ni Pablo, mao ang ilustrasyon sa lawas ni
ka Espiritu kitang Cristo. Gilangkoban kini sa daghang mga
tanang-- mga Judio o mga miyembro nga lahi-lahi, apan kinsa kaubang
Gresyanhon, mga ulipon naglihok diha sa nagkahiusa nga paagi. Siya
o mga tawong gawas-- nagsulti: “Kay maingon nga ang lawas usa ra
nabautismo ngadto sa ug nagabaton ug daghang mga bahin, ug nga
usa ka lawas; ug kitang kining tanang mga bahina sa lawas, bisan
tanang gipatuhop ug usa daghan sila, usa ra ka lawas, maingon man
ka Espiritu. —ICor. usab niana si Cristo.” —ICorinto 12:12
12:13

Napiling Kasulatan: I Diha sa atong Yabeng Bersikulo, naghatag
Corinto 12:12-31 si Pablo og katin-awan sa katinuoran nga
nag matag miyembro niining “us aka lawas”
gipanganak man sa mao ra nga Espiritu
Santo, bisan pa kon sila “mga Judio o mga Hentil” pinaagi sa pagkatawo,
o “ulipon o dili.” Ang tanan nga mga bahin sa lawas gibautismohan
ngadto kang Cristo, ug nga magtan-aw kaniya ingon nga ilang “ulo.”
Busa, sila kinahanglan nga ikonsidera nga himulag sa kalibotan ug
magpadayag og pagkausa sa debosyon ngadto sa Dios.

“Kay ang lawas dili usa lamang ka miyembro, kondili daghan, si Pablo
nagpadayon. “Kon ang tiil magaingon, “Kay dili man ako kamot, dili
ako bahin sa lawas,” dili ba kana bahin sa lawas? Ug kon ang dalunggan
magaingon, “Kay dili man ako mata, dili ako bahin sa lawas,” kana wala
makapahimo niini nga dili bahin sa lawas. Kon ang tibuok lawas lonlon
pa nga mata, asa na man ang pagdungog? Kon ang tibuok lawas lonlon
pa nga dalunggan, asa na man ang pagpanimaho?” —Bersikulo 14-17

Ang mga sakop sa lawas ni Kristo gilangkoban sa mga tawo nga
andam nga magiyahan sa Ginoo, sama sa lawas sa tawo nga kontrolado
sa ulo, diin ang utok mao ang nagkontrolar ug ang nagkalain-laing
mga bahin sa lawas misanong sa direksyon niini. Diha sa pagkabutang

nga ang tawhanong hunahuna naglihok nga normal, ang mga buhat sa nagkalin-laing bahin sa lawas magbuhat sa husto nga paagi.

Diha sa ilustrasyon sa lawas, dili gayud makatarunganon alang niadtong adunay hustong panghunahuna nga mogamit ug usa sa bahin sa iyang lawas aron sa pagpasakit o pag-antos sa laing bahin sa lawas. Busa kini dili normal alang sa usa ka tawo sa paggamit sa iyang mga tiil aron nga modagan ngadto sa taliwala sa bisi nga trapiko, nga nasayud sa mga hatag-as nga potensyal nga maigo sa usa ka sakyanan. Ingon man usab, dili kini normal, kon ang usa ka tawo mogamit sa iyang mga kamot aron sa pagkuha ug usa ka mahait nga instrumento ug idunggab kini sa ubang mga bahin sa lawas, nga nakaamgo man sa makadaot nga mga epekto sa maong aksyon.

Ang “lawas ni Kristo” gilangkoban sa daghan nga lain-laing mga miyembro, apan adunay usa lamang ka espiritu-ang Espiritu Santo sa Dioys -nga kinahanglan nga makita diha sa matag usa niini. Ang sumbanan alang sa pagtino kon kini nga usa ka espiritu makita sa matag konsagradong magtotoo mahimong makita pinaagi sa pagpadapat sa mosunod nga mga krayterya: “Batoni diha kaninyo kining hunahunaa nga mabatonan ninyo diha kang Cristo Jesus.” —Filipos 2:5

Sa dihang atong itahan ang atong mga kaugalingon diha sa kabubuton sa Diyos, Iya kitang gigiyahan sa daghang mga paagi — kon unsaon nato pag gamit ang atong panahon, sa mga paagi sa pag gamit sa atong mga talento, ang mga butang nga atong ginasulti, asa kita mopaingon, ug kon unsay atong buhaton. Ang Iyang direksyon maoy magdumala sa atong mismong pagkatawo. Kon hingpit natong gihatag ang atong kaugalingon diha sa konsagrasyon, dayon matinuod nga kita mga patay na, ug nga ang atong mga kinabuhi natago uban kang Kristo diha sa Diyos. (Rom. 6:3,4; Col. 3:3) Kini nga “pagkalubong” pinaagi sa bunyag ngadto sa kamatayon ni Jesus nagpasabot sa atong adlaw-adlaw nga pagbiya sa yutan-ong mga tumong, mga paglaum ug mga ambisyon. Kon kita matinud-anon sa pagbuhat sa ingon, dili lamang kita magalakaw sa kabag-o sa kinabuhi karon, apan kita usab adunay paglaum sa usa ka mahimayaon nga langitnong ganti sa gingharian sa Dios.-I Cor. 15: 49,53 ■

Gasa sa mga Pinulongan

Yabeng Bersikulo: KINI NGA LEKSYON NAGSUGOD

“Unsa man diay ang akong pagabuhaton? Ako magaampo nga ubanan sa akong espiritu ug ubanan usab sa akong pamuot. Ako magaawit nga ubanan sa akong espiritu ug magaawit ako nga ubanan usab sa akong pamuot. —

ICorinto 14:14

Napiling Kasulatan: ***mga Buhat 2:1-7,12;*** ***I Corinto 14:13-19***

ubang sa usa ka talagsaon nga pagpadayag sa Espiritu Santo sa Dios nga gihatag ngadto sa Unang Iglesia. “Ug sa pag-abut na sa adlaw sa Pentecostes, silang tanan nagkatigum sa usa ka dapit. Ug sa kalit may miabut nga dahunog gikan sa langit ingon sa huros sa makusog nga hangin, ug kini mipuno sa tibuok balay diin didto sila nanaglingkod. Ug dihay mipakita kanila nga mga dila nga daw kalayo, nga nagtinagsaay sa pagpatong sa ibabaw sa matag-usa kanila. Ug silang tanan napuno sa Espiritu Santo ug misugod sila sa pagsulti sa nagkalainlaing mga pinulongan, sumala sa ipalitok kanila sa Espiritu.” —Mga Buhat 2:1-4

Kini nga panghitabo mao ang katumanan sa usa ka saad nga gihimo ni Kristo ngadto sa iyang mga tinun-an human sa iyang pagkabanhaw ug sa wala pa ang iyang pagkayab ngadto sa Langitnong Amahan. Siya nagpakita kanila sa daghang higayon sa paglig-on sa ilang hugot nga pagtuo pinaagi sa paghatag kanila og pamatuod nga siya wala na sa lubnganan. Dugang pa, sila kinahanglan nga “masul-ubang sa gahum nga gikan sa kahitas-an,” nga motabang kanila sa pagtuman sa ilang mga misyon sa pagsangyaw sa Ebanghelyo sa tibuok kalibutan. Kini nga pribilehiyo nagpadayon nga gigamit sa matinumanong mga Kristohanon bisan hangtud niining maong adlaw.—Lucas 24: 48,49

Sa panahon nga kini nga milagro nahitabo, ang mga matinud-anong mga Judio nga gikan sa nagkalain-laing nasud naghimo sa usa ka relihiyosong pagpanaw ngadto sa Jerusalem ug mga sinati lamang sa pinulongan sa ilang mga gisagop nga nasud. Bisan pa niana, ingon nga mga disipulo ni Cristo, nagpamatuod mahitungod sa pagkabanhaw

ni Jesus ug sa Ebanghelyo sa gingharian, ang ilang mga tigpaminaw nahibulong nga ingon nga Galileanhon, kini nga mga walay alamag nga mga sumusunod ni Jesus may katakos sa pagpahayag sa maong usa ka lawom nga mensahe, nga ang matag usa kanila nakahimo sa pagsabot sa ilang mga kaugalingon nga pinulongan.-Mga Buhat 2: 5-12

Ang Apostol nga si Pablo mipasabut sa kaimportante sa dayag nga pagpatin-aw sa mga saad sa Diyos ug sa mga katuyoan alang sa katawhan sa usa ka paagi nga makahatag og kaayohan sa mga nagapatalinghug, sukwahi sa pagsulti lamang sa usa ka wala mailhi nga pinulongan aron dayegon sa uban nga siya gipaboran niini nga espesyal nga gasa. Busa, sa bisan unsa nga mga pulong nga gisulti para sa uban nga walay paghubad kanila alang sa kaayohan sa mga mamiminaw mamahimong walay pulos, ug usa ka ebidensiya sa kakulang sa husto nga espiritu sa gugma.-I Cor. 14: 1-13

Diha sa atong yabeng bersikulo, si Pablo naghatag ug gibug-aton sa katinuoran nga bisan pa ang dako nga pribilehiyo ug panginahanglan sa publiko nga pag-ampo angay nga buhaton sa usa ka panglantaw sa pagpanalangin sa uban. Kini makab-ot lamang sa diha nga ang mga pulong nga gipahayag nasabtan ug ang mga mamiminaw sa ingon nakahimo sa pag-uyon sa espiritu sa mga petisyon.

Bisan tuod ingon nga usa ka apostol, si Pablo gigamit gayud pag-ayo sa Diyos sa pagpahayag sa daghang mga aspeto sa plano sa Diyos mahitungod sa kaluwasan, siya usab mihatag og angay nga pulong kon sa unsang paagi ang iyang gasa sa pinulongan kinahanglan nga gamiton. “ngani, sa sulod sa iglesia palabihon ko nga magasulti ako ug lima ka mga pulong nga inubanan sa akong pamuot aron katudloan ko usab ang uban, kay sa paglitok ug napulo ka libo ka mga pulong pinaagi sa pagsultig mga dila. — Bersikulo 19

Hinaut nga kita ingon nga mga magtotoo sa susamang paagi magpamatuod ngadto sa uban sa usa ka paagi nga makatabang kanila sa pagsabut sa sa mahimayaon nga plano sa Dios mahitungod sa kaluwasan nga magapanalangin sa tanan nga andam ug masinugtanon nga mga miyembro sa tawhanong pamilya. Maningkamot kita nga ang tanan natong mga pulong “molabaw sa mga pagpalig-on sa iglesia.” - Bersikulo 12 ■

Senemanang Pagtolun-an sa Bibliya

Leksyon para sa Mayo 31, 2015

Ang Labing Daku Nga Gasang Mao Ang Gugma

Yabeng Bersikulo: “Ug karon magapabilin kining totulo: ang pagtoo, ang paglaum, ug ang gugma, apan ang labing daku niini mao ang gugma.”—I Corinto 13:13

Napiling Kasulatan: I Corinto 13

DAGHAN SA Iglesia sa Corinto tataw kaayo nga nagbutang ug daku nga kamahinungdanon sa pang-gawas lamang nga pagpadayag sa mga gasa sa Espiritu Santo. Gani, mahinungdanon kini sila kaayo atol sa panahon sa Nahaunang Iglesia. Apan, si Pablo mipasabut nga ang espiritu sa gugma nga anaa sa sulod kanato adunay mas labaw pa gayod nga kalidad kay sa niini nga mga gasa. Siya miingon nga ang gugma adunay mas dako nga importansya

kay sa abilidad sa pagsabut sa dakong misteryo sa Dios, sa pagsaksi mahitungod sa mga kawsa ni Kristo, o bisan sa pagsakripisyo sa yutan-ong mga kabtangan alang sa kaayohan sa uban. Kon wala ang matuod, kinasingkasing nga motibo sa gugma nga nag-aghat sa maong mga buhat, kini sila walay kapuslanan.—I Cor. 13: 1-3

Dayon si Pablo namulong kabahin sa mga aspeto nga may kalabutan sa matuod nga "gugma". “Ang gugma mapailubon ug mapuangoron. Ang gugma dili masinahon, dili tigpagawal. Ang gugma dili tigpaburot, dili bastos, dili maakop-akopon, dili masuk-anon o maligotguton; ang gugma wala magakalipay sa mga buhat nga dili matarung, hinonoo nagakalipay kini sa mga butang nga maminatud-on. Ang gugma mopailub sa tanang mga butang, motoo sa tanang mga butang, molaum sa tanang mga butang, moantus sa tanang mga butang.” —Bersikulo 4-7

Human sa paghulagway sa mga hiyas nga nabatonan niadtong nigamit sa espiritu sa gugma, si Pablo nagtandi sa permanenteng kinaiya sa gugma uban sa mga temporaryong kinaiya sa mga nagkalain-laing mga

gasa sa espiritu. Siya nag-ingon nga ang gugma "dili gayud mopakyas," nagpasabot nga kini magpadayon hangtud sa kahangturan, samtang ang milagrosong mga gasa temporaryo ug tipik lamang. (Bersikulo 8-10) Ang ubang mga Kristohanon nagtudlo nga ang milagrosong mga gasa nga naglabi atul sa panahon sa unang Iglesia nga padayon gihapon nga igapadayag bisan karon. Si Pablo nagpahayag diha sa atong leksyon, hinoon, nga mohunong ra kini nga mga gasa nga gihatag pinaagi sa pagpandong sa mga kamot gikan sa mga apostoles. (Mga Buhat 8:18) Sila dili na mahimo nga kinahanglanon gayud kaayo sanglit ang dinasig nga mga sinulat sa Bibliya, sa diha nga na-kompleto kini, nga pagailhon ingon nga ang mga tinubdan sa kamatuoran sa Dios .-II Tim. 3: 15-17

Tungod ka yang yuta ang “pagapun-on diha sa kahibalo sa himaya sa Diyos, sama sa tubig nga nagtabon sa daga,” ang abilidad sa pagangkon sa mga inpormasyon ug pagsabot sa pulong sa Diyos dili mahunong. (Hab. 2:14) Kini, hinoon mao ang milagrosong inspirasyon ug pagpadayag sa balaanong kamatooran sa naunang panahon sa Panahon sa Ebanghelyo nga makita diha sa pakisayran sa mga teksto sa Kasulatan sa atong leksyon.—I Cor. 13:8-10

Si Pablo usab nagtandi sa mga gasa sa espiritu uban sa mga bunga sa espiritu. Ang nahauna iyang gipakasama sa usa ka pagbinata diha kang Cristo. Ang hamtong nga magtotoo, sa laing bahin, ang pokus mao ang dugang nga kalamboan sa Espiritu Santo ug sa iyang mga nagkalain-lain nga bunga ug mga grasya ingon nga mas labi pang tinguhaon nga hiyas.-Bersikulo 11

Adunay daghan nga mga Kasulatan nga naghatag ug gibug-aton sa gugma nga maoy gikinahanglan alang sa pagpahimuot sa atong Langitnong Amahan. Sa panahon sa iyang yutan-ong ministeryo, sa dihang gipangutana bahin niini, gipakita ni Jesus ang kamahinungdanon sa paghigugma sa Dios labaw sa tanan ug sa paghigugma sa isigkatawo sama sa iyang kaugalingon ingon nga mga paagi sa pagtuman sa Balaod. (mateo 22:36-40) Siya usab naghatag og sumbanan diin ang mga magtutuo magsukod sa ilang pagkab-ot niining mahinungdana sa nga tanan nga kinaiya. “Ako magahatag kaninyog bag-ong sugo, nga kinahanglan maghigugmaay kamo ang usa sa usa maingon nga ako nahigugma kaninyo, kinahanglan maghigugmaay usab kamo ang usa sa usa.” (Juan 13:34) Busa, sa katibuk-an, ang atong yabeng bersikulo naghatag og gibug-aton nga ang labing mahinungdanon sa tanang mga gasa mao ang pagpanagiya sa "agape" nga gugma-ang timaan sa usa ka abante nga Kristohanon. Atong paningkamutan ang pagkab-ot niana nga tumong! ■

Ang “Pagkadeterminado”

“Kay samtang diha pa ako kaninyo gituyo ko ang dili pagpakahibalo sa bisan unsang butang gawas kang Jesu-Cristo lamang ug kaniya ingon nga linansang sa krus.”

—I Corinto 2:2

ANG MGA PULONG SA ATONG TEKSTO
sinati sa kada usa nato ingon nga mga sumusunod kang Kristo. Kini sila nagsulti sa seryoso nga panghunahuna nga angayan anaa kanato kon atong ipamatood nga kita matinud-anon ngadto sa atong Langitnong Amahan. Sa atong pagkonsiderar niini nga hilisgutan kita, ingon nga mga konsagradong anak sa Diyos, kinahanglang maksabot sa kamahinungdanon niini nga bersikulo ug sa uban nga susama niini nga hilisgutan, kay makatabang kini kanato sa pagpunting sa atong atensyon ngadto sa pagkab-ot ngadto sa “paglaum sa ebanghelyo.”

(Colosas 1:23) Sa atong pagtubag sa langitnong tawag, ang mensahe sa ebanghelyo ang magpugos kanato nga mahimong masibuton sa paghatag sa panahon ug talent para sa pagpangalagad niining “maayong balita,” inubanan sa pagtalikod sa tanang lain pa nga mga butang, bisan unsa pa kini ka makapaikag. Kon dili kini bug-os nga mahimo, mahimo kita nga “mingtipas sa dalan,” ug mapakyas sa paghimo sa atong “tawag ug pagpili nga maseguro.”—Heb. 12:13; II Pedro 1:10

KAHIBALO UG KAALAM NIINI NGANGALIBUTAN

Niini nga panahon, aduna kitay makanunayon nga koneksyon sa kahibalo ug inpormasyon nga anaa sa kalibutan ug masayon ra kanto nga kita malinga. Sa litiral, pinaagi sa atong mga palad, pwede kitang makapangutana sa yano sa usa ka gitawag nga “smart” phone, ug sa mga Segundo usa ka tingog ang mohatag kanato sa tubag. Kini, ug dili maihap nga mga pananglitan ang maghatag ug panghimatood nga matood gayud nga ania na kita nagapuyo sa panahon nga gipanagna nga diin ang “kahibalo ang nitubo” (Dan. 12:4) Ang naginusarang gipakita sa atong pangbukas nga bersikulo wala nagpasabot nga dili nato pahimuslan ang

mga katingalahang himan sa teknolohiya nga dali ra nga magamit para iasdang ang mensahe sa kamatooran. Daghanan ang gihimo sa the Dawn, ug sa daghanan pang mga hugpong sa kaigsoonan sa tibook kalibutan, aron mapakaylap ang Ebanghelyo sa gingharian pinaaig sa pag gamit sa karon nga teknolohiya. Nailpay kita sa mga taho diha niini nga mga pangingkamot, ug mapasalamaton sa Langitnong Amahan para niini nga mga oportunidad.

Ang mga butang nga angay natong suklan mao kadtong mahitungod sa kaalam niining kalibutana, ug ang kinatibuk-ang espiritu sa garbo. Kini nga espiritu ang nagagikan sa Kaaway, nga maoy nagpalinga kanato aron kita malayo diha sa mga kalihokan sa atong Amahan. (Lucas 2:49) Gikinahanglan nga atong hukasan ang atong kaugalingon sa kahakog nga nagapangita sa unodnong katagbawan ugpag-uswag ug kasina sa uban. Ang importansya niini gilatid diha sa mga pulong ni Santiago 3:14-17, nga mabasa: “Apan kon ugaling sa inyong mga kasingkasing aduna man kamoy kapait sa kasina ug dinalo nga tinguha sa pagpauswag, ayaw na lang ninyo kini ipanghambog aron dili na kamo makapanghimakak sa kamatuoran. Ang maong kaalam dili ingon sa kaalam nga nagagikan sa kahitas-an, kondili yutan-on, tawhanon, yawan-on. Kay diin gani anaa ang kapait sa kasina ug ang dinalo nga tinguha sa pagpauswag sa kaugalingon, maanaa usab ang kagubot ug ang tanang mangil-ad nga buhat.” Pagka matood gayud nga ang uso sa kalibutanong kaalam kadaghanan dinhi nga direksyon, si Santiago nagpadayon, “Apan ang kaalam nga gikan sa kahitas-an putli una sa tanan, unya makigdaiton, malomo, mamatig katarungan, puno sa kalooy ug sa mga maayong binuhatan, walay pagduhaduha o pagminaut.”

Kini nga mga pulong gikan kang Santiago nahitukma sa kang Pablo dinhi sa atong tekstong tema, ingon sa ilang paghatag ug dugang pang panglantaw mahitungod sa kon unsay angay natong ipagdeterminado aron atong mahibaw-an ug buhaton sa atong konsagrasyon. Ang kaalam gikan sa kahitas-an, nga adunay kinaiya sa pagka putli, kalinaw, kalumo ug uban pa nga gisulti ni Santiago, nga anaa diha kang “HesuKristo, ug kaniya nga gilansang sa krus. Busa, nga ang “pagkadeterminado” nakaila lamang kaniya, nagpasabot nga mangita kita sa pag-angkon niini nga sama nga matang sa “kaalam gikan sa kahitas-an.” Ang basahon sa Panultihon nagsulti usab niini nga kaalam, nga nagtudlo kanato nga ang “Kaalam mao ang labaw nga butang,” ug “ang kahadlok [balaan nga pagtahod] kang Jehova mao ang sinugdanan sa kaalam—Panultihon 4:7; 9:10

PAGSUNOD SA PANAG-INGNAN NI KRISTO

Maingon nga si Kristo mao ang naglangkob sa kaalam nga gihulagway ni Santiago, Siya usab nagpakita sa kaalam nga gikan sa kahangturan mao ang kinaiya sa Diyos, ang Magbubuhay. Tipik sa kaalam sa Diyos, nga gibahin sa Iyang Anak, mao ang tinguha sa paghatag sa balaanong pagpadayag sa iyang plano niadtong tinud-anay nga nangita nga makahibalo ug makasabot niini, ug nga nakaangkon sa husto nga mapaubsanong kinaiya sa kasingkasing ug hunahuna sa pagdawat sa mao nga panudlo gikan sa Ginoo ang sigurado nga mahatagan sa kahiribalo sa bisan unsa nga kamatooran nga gikinahanglan para sa ilang espiritohanong pagtubo. Par kanila, kini siya igahatag ingon sa “kalan-on sa tukmang panahon” para sa ilang pagkaon ug kalig-on.—Salmo 145:15; Mateo 24:45

Ang mga talagsaong kamatooran sa Bibliya ang natukma diha sa hustong kahan-ayan niadtong mga butang nga angay natong tinguhaon sa atong kinabuhing espiritohanon, ug ingon man usab sa atong mga mensahe ngadto sa uban. Kita gitudlo nga mamahimong mga “ministro ni Kristo.” (I Cor. 4:1) Kini siya naglakip sa panudlo: “Preach the word; be instant in season, out of season; reprove, rebuke, exhort with all longsuffering and doctrine. ... Watch thou in all things, endure afflictions, do the work of an evangelist [preacher of the gospel], make full proof of thy ministry.” (II Tim. 4:2,5) Isip mga ministro ni Kristo, angay kita nga magasangyaw sa Pulong inubanan sa pailob, kalumo, pasensya ug maayong pagtolonan. Busa, ang atong pangalagad ang molanog sa makusog ngadto sa himaya sa Diyos, ug sa iyang anak nga si Kristo Hesus. Kon matitudanon, aduna kita kasiguroan nga kita sa bug-os nga diwa ang himoon nga “makahimong ministro sa bag-ong testament [kasabutan] didto sa gingharian ni Kristo.—II Cor. 3:6

ATONG PAGATUTOKAN

Sa dugang pa nga pagtagad sa giawhag niining atong teksto para bug-os nga “determinado” sa pag-ila kang “Kristo Hesus, ug siya nga gilansang,” atong gisugyot dinhi ang tulo ka piho nga mga aspeto sa paningkamot nga diin angay natong tutokan. Para matood nga nahiusa ang hunahuna sa atong balaanong pagpangalagad nagkinahanglan nga kita:

1. Maampingon ug magpadayon sa pagtoon sa plano sa Diyos ingon sa gipadayag sa iyang Pulong, nga iyang gitago “gikan sa mga makinaadmanon,...ug gipadayag mo ...ngadto sa mga bata.” Lucas 10:21
2. Himoon ang atong mga kasingkasing ug hunahuna nga

malamdagan, u gang kinabuhi ang pangunahan sa gahum ug impluwensya sa Balaang “Espirito sa kamatooran” sa Diyos.—Juan 16:13; Efeso. 1:18; Colosas 1:9

3. Mag-angkon sa usa ka madasisigong kasibot para sa katumanan sa kabubut-on sa Diyos sa atong kinabuhi, u gang tinguha nga mamahimong “masiboton sa mga maayong buhat.”—Tito 2:14

Ang katumanan niini nga mga paningkamot nagpasabot nga atong itumong ang atong mga kusog niadtong mga butang nga makapalampos kanato ngadto sa pikas nga lawak. Ang Apostol nga si Pablo naghisgot niini, ug nagpunting nga ang pag-angkon sa maong usa ka bug-os nga kadaugan dili usa ka masaligan nga butang, ug kita kinahanglan nga mag-amping kaayo sa tanan nga bahin sa atong Kristohanong kinabuhi. “Kon posible, makadangat ako sa pagkabanhaw gikan sa mga patay. “Dili nga ako nakadawat na niini, o nahingpit na; kondili nga nagapadayon ako, kong sa pagkamatuod ako mahimo nga mohupot sa nga tungod usab ako gikuptan ni Kristo.” (Filipos 3:11,12, Emphatic Diaglott) Ang Ginoo ang “nagkupto” kanato, nga nagtawag kanato gikan sa kangitngit. Siya nagtinguha nga kita motuman sa atong mga kasingkasing nga maunongon kaniya, ug pinaagi sa pagpalambo sa kinaiya, ug sa paghalad “mogunit niana nga” diin kita gitawag. Gihulagway kini ni Pablo nga dakong pagdapit nga ingon sa usa ka “balaan” ug ang usa ka “langitnong pagtawag.” (II Tim. 1:9; Heb. 3:1) Kon kita “makakab-ut sa [unang] pagkabanhaw,” kita pagahatagan sa dako nga kahigayunan sa pagpakita sa Dios sa dako nga kinaiya ngadto sa kalibotan sa katawhan, ug sa gipanalanginan sila, sa gingharian.

SA PAGPADAYON

Sa pagpadayon pagbasa sa mga gipamulong ni Pablo ngadto sa mga kaigsoonan sa Filipos, siya niingon, “Usa ka butang akong ginabuhat mao kini: sa ginakalimtan ko ang nanagpangagi na ug sa nagadasdas ako paingon sa anaa sa unahan, ako nagapadayon paingon sa dauganan, ngadto sa ganti nga mao ang sa langitnong pagtawag kanato sa Dios diha kang Cristo Jesus. Kitang tanan nga mga hamtong na sa pagtoo kinahanglan magabaton sa maong panghunahuna.” (Filipos 3:13-15) Kining “usa ka butang” nga gihimo ni Pablo, nga angay usab natong himoon, ang sa tinud-anay gilangkoban sa daghang gikinahanglan nga adunnay kalambigitan. Hinoon, kini siya pwedeng sumahon ingon sa aduna sa tanan sa atong kinabuhi nga naka sentro sa usa ka tumong--nga mao ang pagpahimuot sa Diyos sa hunahuna, pulong, ug buhat.

“Ang hunahuna sa matarong lonlon matarong.” (Panultihon 12:5) Kon aduna kitay “matarong” nga hunahuna, kini sila mahiuyon sa bag-ong hunahuna ug kabubut—ang Bag-ong Binuhat—aug maningkamot kita sa pagsalikway sa “daang tawo uban sa iyang mga buhat.”—Colosas 3:9

Sa ulahi, sa mao usab nga kapitulo, kita giingnan, “Ug bisan unsay inyong pagabuhaton, sa pulong o sa buhat, buhata ang tanan sa ngalan sa Ginoong Jesus, nga magahatag kamo sa mga pagpasalamat ngadto sa Diyos nga Amahan pinaagi kaniya.” (bersikulo 17) Kini siya nahiuyon sa pagawhag ni Hesus nga “ug kaniya nga sa mga tawo gikapiyalan ug daghan, kinahanglanon nila ang labaw pa.” (Lucas 12:48) Adunay dakong responsibilidad nga moabot kanato kon kita giisip nga piniling katawhan sa Diyos---iyang “pinili.” Isip iyang mga ambassador o tinugyanan, ang atong mga buhat ug pulong kinahanglan nga nahitukma sa pagrepresentar sa atong ginoo ug magdala sa kadunggan sa iyang ngalan sa tanang panahon. Kita, sa matag usa mao ang “sulat....nga giila ug ginabasa sa tanang katawhan.” (II Cor. 3:2) Aron sa paghimo niini nga usa ka kamatuoran, kita kinahanglan gayud nga maningkamot sa paghimo sa mga gikinahanglan sa “lumba” sa atong atubangan. Kini mao ang importante nga timan-an nga kini pareho alang sa matag usa nga nagdagan sa lumba, apan sila mahimo nga makab-ot sa lain-laing mga angang taliwala sa mga lawas nga mga miyembro. Kay ang tanan nga, bisan pa niana, kini mao ang usa ka pig-ot nga dalan nga padulong ngadto sa himaya, dungog, ug pagka-imortal. Kita mahimong, sa pagkamatuod, moambo sa sa tagsa-tagsa sa lain-laing mga angang apan kitang tanan kinahanglan gayud nga mouswag ug magpadayon.

Si Pablo nisulti mahitungod sa iyang kaugalingon, “Busa, sa akong bahin, ako wala magdalagan nga walay tumong, ang akong sinumbagan dili ingon sa nagabatibatig sumbag sa hangin.” (I Cor. 9:26) Kita kinahanglan gayud nga mosunod sa iyang panig-ingnan niining bahina, gisalikway ang “tanang kabug-at ug ang sala nga sa dakung kasayon nagasipit kanato, ug ... nga malahutayon nga modagan sa lumba nga gibutang sa atong atubangan.” (Heb. 12:1) Aduna kitay kusog sa paghimo niini tungod ka yang Langitnong Amahan maghatag niini kanato. Aduna usab pagtabang nga gihatag pinaagi sa “pagtutok kang Jesus nga mao ang mag-uugmad ug maghihingpit sa atong pagtoo, nga tungod sa kalipay nga gibutang sa iyang atubangan miantus sa krus, sa walay pagsapayan sa pagkamakauulaw niini, ug karon nagalingkod siya diha sa too sa trono sa Dios. Palandunga ninyo siya nga miantus sa maong pagsupak sa mga makasasala batok kaniya, aron kamo dili managkataka ni managtalaw.”—Heb. 12:2,3

“DILI MAKAILA SA BISAN UNSANG BUTANG”

Dugang nga pagtan-aw sa kinabuhi ni Pablo ingon nga usa ka panig-ingnan alang kanato, atong makita nga human sa iyang pagkakabig sa pagbyahe niya sa dalan paingon sa Damasco, ang iyang mga adlaw ug mga tuig, ingon nga daw wala siya’y laing nahibabaw-an, “gawas kang Jesucristo, ug kaniya nga gilansang sa krus. Ang dalan nga gipili niya nga sundon human, nga gitawag ug gipili sa Dios, mao ang usa nga nagbiya sa-kaugalingon ug pagsakripisyo. Ang iyang kahibalo sa ubang mga hilisgutan, nga halapad, o ang daghan nga mga butang nga mahimo nga makapabalda kaniya sa pagtuman sa konsagradong panaad alang sa Dios, siya nasayud nga kinahanglan nga kini iyang pagatalikdan.

Sumala sa nahisgotan, kita usab kinahanglan gayud nga makalimot sa “mga butang nga gitalikdan,” ug “magpadayon ngadto sa marka alang sa ganti sa labing hataas nga pagtawag.” Sama sa kang Pablo, kritikal nga kita magabutang sa tukmang mga prioridad ug mga sumbanan sa atong kinabuhi, nga parehong mahitungod sa atong panggawi ingon man sa atong pagsabot sa Pulong sa Diyos. Kabahinin sa adlaw-adlaw nga panggawi, kita gisultihan, “Ibutang ang imong hunahuna sa mga butang sa itaas, dili sa mga butang sa yuta.” (Col. 3:2) Kini naglakip sa pagwagtang sa garbo, pagkahakog, ug sa mga butang nga mahimo makapalambo ug makatawag sa pagtagad sa unod ug-sa-kaugalingon nga interes. May kalambigitan sa atong pagsabot sa Pulong sa Diyos, kita kinahanglan gayud nga dili mosunod “sa mga limbongan nga espiritu, ug sa mga doktrina sa mga yawa.” (I Tim 4:1) Bakak nga mga doktrina ug mga pagtuo sa mga tawo ang makadugang sa kasaypanan ibabaw sa mga kasaypanan, ug si Jesus nagpasidaan nga kini “makapagpahisalaag, kon mahimo, bisan pa sa mga pinili.”—Marcos 13:22

Ang mga talaan sa mga kasinatian gikan sa kinabuhi ni Pablo, ug uban pang matinud-anong mga sumusunod ni Kristo ang gihatagan isip mga panag-ingnan para kanato sa atong kaugalingong kasinatian ug kristohanong paglakaw. Kini ang magsilbi nga bug-os nga makatabang kanato sa hingpit nga paghimo sa atong kaugalingon sa paghimo sa “usa ka butang” nga diin kita gitawag. “Para kanako ang pagkinabuhi mao si Kristo, ug ang pagkamatay mao ang pagdaug.”—Filipos 1:21

“SA TALIWALA NINYO”

Ang atong usa ka tumong, sama sa atong Ginoo ug iyang mga tinunan nga sama kang Pablo, mao ang pagpamatood nga kita madawat sa Amahan, ug sa paghimo niini uban sa tanan natong gahum ug kusog.

Kini pagahimoon bisan hangtud sa atong hingpit nga pagtalikod sa atong kaugalingong kabubut-on ug pagtahan sa atong “lawas isip buhing sakripisyo,” nga giisip nga usa ka “makataronganon nga pag-alagad.” (Roma 12:1) Tipik sa atong pribilihiyo niini nga butang mao ang pagtabang sa uban nga modagan sa lumba, nga aron makab-ot natong tanan ang atong tumong ug maangkon ang “kadaugan pinaagi sa atong Ginoo nga si HesuKristo.” (I Cor. 15:57) Kita kinahanglan nga nagalihok sa usa ka sinsero nga tinguha nga determinado nga masayran “sa taliwala kaninyo” -ang atong kauban nga mga kaigsoonan-walay bisan unsa nga tinguha kondili ang usa ka tumong nga kitang tanan gipaningkamotan. Kini mao ang labing taas nga matang sa gugma sa buhat, nga gipakita diha sa mga pulong sa Ginoo: “Labaw ka mahinungdanon ang may gugma nga walay tawo nga labaw pa niini, nga ang usa ka tawo magahalad sa iyang kinabuhi alang sa iyang mga higala.”—Juan 15:13

Si Pablo ang hingpit nga gidasig sa mga balaanong pagtolun-an sa Diyos, nga natingob diha sa gugma. Miingon siya, “Ako dili maulaw sa ebanghelyo ni Kisto,” bisan pa man nga kini ang nagdala kaniya nga siya sa daghang pagbiaybiay ug paglutos. Sa unsa nga paagi nga si Pablo nakahimo nga pag-angkon? Sa pagpadayon, siya mitubag nga ang “ebanghelyo ni Kristo” ang nagpakita sa “gahum sa Diyos ngadto sa kaluwasan sa tanan nga mitoo; una sa mga Hudeyo, ug usab ngadto sa mga Gresyahanon.” (Roma 1:16) Ang iyang padayon nga pagpasabot mahitungod sa kamahinungdanon niini nga paagi sa pangrason ang makita sa sunod nga bersikulo: Kay diha sa Maayong Balita ginapadayag ang pagkamatarung sa Diyos, nga pinaagi sa pagtoo ngadto sa pagtoo, sumala sa nahisulat nga nagaingon, “Mabuhi ang namatarung pinaagi sa pagtoo.”—Rom. 1:17

Sa pagkonsiderar ni Pablo paghisgot niini nga teksto sa “Ang matarung,” kita makaamgo nga, sumala sa unod, “Walay bisan kinsa nga matarung, wala, bisan usa.” (Kap. 3:10) Walay bug-os nga hingpit sa hunahuna ug sa lawas. Ingon kay gipakamatarung pinaagi sa pagtuo diha sa dugo ni Kristo, bisan pa niana, ang mga tinuod nga mga hinalad ang mga giisip nga ingon nga matul-id sa atubangan sa Diyos, gitabonan sa “kupo sa pagkamatarung” nga gitagana pinaagi kang Hesus. (bersikulo 24,25; Isa. 61:10) Pinaagi niini nga kahikayan, ang atong pagkadili-hingpit tungod kang Adan gitabonan. Dugang pa, pinaagi sa pag-angkon nga si HesuKristo nga mao ang atong Manlalaban, ang bili sa iyang halad mao ang walay katapusan nga naghatag sa kanato sa walay sala diha sa mga panan-aw sa hustisya. Ug, kini ang gipakita sa “pagkamatarung sa Dios

pinaagi sa pagtoo kang Jesucristo, alang sa tanan kanila nga motuo.”—Roma 3:22

Atong mabasa sa I Pedro 3:12, “Kay ang mga mata sa Ginoo magasudong nga uyon sa mga matarung, ug ang iyang mga dalunggan gipa-abong sa ilang mga pangamuyo. Apan ang nawong sa Ginoo batok sa mga nagabuhat ug dautan.” Kini nga bersikulo nagpakita nga dili igo nga giisip kita nga “gipakamatarong” pinaagi sa dugo ni Hesus, apan ang atong mga binuhatan gikinahanglan usab kutob sa mahimo matarong ug husto. Gikinahanglan nga sa adlawadlaw kanunay kita nga maningkamot nga magpakamatarong ug putli sa atong mga tinguha, hunahuna ug buhat. Bisan tuod nga ang kahingpitan dili makab-ot, walay makita nga ubos sa atong hataas nga pangingkamot ang bug-os nga madawat sa atong Langitnong Amahan.

Ang matarong nga si Pablo nag-ingon, ang “mabuhi pinaagi sa pagtoo.” Unsa ka dakung kamahinungdanon ang gihatag dinhi sa kalidad sa hugot nga pagtoo. Kita giingnan nga kita “makigbisug sa pagpanalipod sa tinooan nga sa makausa gitugyan ngadto sa mga balaan.” (Hudas 3) “Ang pagtoo” mao ang Pulong sa Diyos nga kamatooran, ug kinahanglan nga aduna kitay bug-os nga pagtoo sa iyang balaang gipamulong. Ang Pulong sa Diyos naghatag kanato sa detalye sa iyang dako nga plano sa kapanahonan, ug ang iyang bililhong mga saad ang maghatag kanato sa kaeguroan sa katumanan ug kahingpitan niini. Kita usab kinahanglan nga “magkinabuhi...pinaaigi sa pulong nga nagagula sa baba sa Diyos.”—Mateo 4:4

Ang ‘Pulong sa diyos,’ o Logos sa Griyego, usab nagpasabot sa iyang bugtong nga Anak, nga si Hesus. Sukad sa paglalang Kaniya sa Diyos, Siya na ang matinud-anon tigpamulong sa Langitnong Amahan, sa parehong saw ala pa siya nahimong tawo ug ingon man isip usa ka hingpit nga tawhanong binuhat dinhi sa kalibutan. “Ang Pulong [Logos] anaa uban sa Diyos God. ... Ang tanang butang gihimo niya.” (Juan 1:1-3) Ang Anak sa Diyos mao ang adlawadlaw nga gihamit-an sa Amahan saw ala pa siya nagpakata tawo. Isip hingpit nga tawo nga si Hesus, kita gisultihan, nga siya “mitubo sa kaalam ug sa gidak-on ug sa kahimuot kaniya sa Dios ug sa tawo.” (Lucas 2:52) Sa dihang kini “Pulong sa Diyos” gibautismohan didto sa suba sa Jordan, “nabukas ang kalangitan ug iyang nakita ang Espiritu sa Dios nga mikunsad nga ingon ug salampati, ug mipahiluna kini diha sa ibabaw niya; ug ania karon, usa ka tingog gikan sa langit nag-ingon, “Kini mao ang akong Anak nga pinalangga; kaniya may kalipay ako.” —Mateo 3:16,17

ANG PULONG SA DIYOS SEGURADO

Nasayod si Pablo nga ang mensahe sa Ebanghelyo—“maayo nga balita sa dakong kalipay nga magaabot sa tanang katawhan”—ang magasandang sa kangitngit ug kalibog sa Gresya ug Roma, ug sa mga pag-atke sa mga gitawag nga mga iskolar niadtong panahona. Busa, wala siya mahadlok sa pagdala niini sukwahi sa mga pilosopiya sa katawan. Hinoon, siya miingon, “mapugos man gayud ako sa pagbuhat niini ingon nga akong katungdanan, alaut ako kon dili ko iwali ang Maayong Balita!”—I Cor. 9:16

Ang mga pag-atake batok sa plano sa Dios, bisan ang iyang pagkasiya, ug ang kamatuoran mahitungod sa iyang bugtong nga Anak, si Jesus, mao ang sa daghan nga paagi nga susama karon ingon sa panahon ni Pablo, bisan tuod sila mahimong gipresentar sa usa ka maliputon nga paagi karon kay sa sa unang mga panahon. Uban sa iyang daghan nga mga panglingla, si Satanas makita nga ingon sa usa ka “anghel sa kahayag.” (II Cor. 11:14) Hinoon, siya ang hari sa kangitngit, ug “gikasilagan ang kahayag.” (Efeso 6:12; Juan 3:20) Kini magpadayon hangtod nga ang iyang paghari ibabaw sa katawhan ang moabot sa katapusan, u gang sala ug kadautan ang laglagon sa hangtod. Sa Mesiyanhong gingharian, si Satans ug ang mga dautang impluwensya ang hingpit nga pugngan, u gang tibook kalibutan ang makaangkon sa kahibalo sa bulahan ug mahimayaon nga kinaiya sa Langitnong Amahan. Sila dayon mahibalo nga ang “Diyos mao ang kahayag, ug diha Kaniya wala gayud kangitngit.” (I Juan 1:5) Ang katawhan usab ang magadayeg ug maghimaya sa iyang Anak nga si Kristo—“ang kahayag sa kalibutan.”—Juan 9:5

Isip mga hinalad nga mga magtotoo, diin niini panahon karon ang gipanalanginan sa pagsabot sa mensahe sa Maayong Balita, pagkadako sa paglaum niini nga kinahanglan nga magtinguha kita sa pagpaminaw niini sa kanunay uban sa pagpasalamat. Ang kada usa kanato sa atong personal nga nga pagpamalandong, ang angay nga mamamalandong sa mga pulong sa Magtutudlo, As consecrated believers, who at the present time have been blessed with an understanding of the Gospel message, its hope is so grand that we should desire to hear it again and again, with thanksgiving. Each of us, in our own personal meditation, should reflect on the words of the Master, “Bulahan gayud ang inyong mga mata kay makakita man kini, ug ang inyong mga dalunggan kay makabati man kini.” (Mateo 13:16) Sa pagkatinood, kita adunay pribilihiyo nga adunay mata nga nahigmata, u gang atong mga dalunggan nga wla pugngo,

pinaagi sa gahum sa Balaang Espirito, aron nga kita makadawat ug makasabot sa mensahe sa kamatooran.

Kita gipasaligan sa Kasulatan, ug pinaagi sa atong pagtoo diha sa mga gisaad sa Diyos, nga ang iyang mga plano ug tumong ang hingpit nga ginahimo. Kita magpadayon sa pag-angkon sa mga saad nga gihimo ngadto kang Abraham, pinaagi sa gipanumpaang pakigsaad nga gihatag ngadto kaniya pinaagi sa Diyos, nga “sa imong binhi ang tanang kanasuran sa yuta ang mapanalanginan.” (Gen. 22:18) Ang pagangkon sa maong kadako nga saad ang maghatag kanato sa nabag-o nga mahimong matinud-anon sa atong mga panaad sa pagpahinungod. Kini modasig kanato sa adlaw-adlaw nga pagpangita sa pagila sa talagsaon nga kinaiya sa Diyos, ug sa pag-ambit sa iyang giya ug pahimangno nga iyang ginahatag alang sa atong espirituhanon nga kaayohan. Kita kinahanglan usab nga madugangan sa kusog, isip mga nagdala sa kahayag, aron sa pagpaambit sa mga saad sa Dios ngadto sa uban, sa pagsulti sa mga kabus, nga nag-agulo nga mga nilalang nga ang usa ka panahon sa dakong pagmaya sa dili madugay moabut ngadto sa tanan nga mga katawhan. Atong ipaambit ang maanindot nga kamatooran nga gihatag ni Pedro sa Adlaw sa Pentekostes: “Ang Diyos ni Abraham ug ni Isaac ug ni Jacob, ang Diyos sa atong mga ginikanan, nagpasidungog sa iyang Anak nga si Jesus.” (Buhat 3:13) Ang Diyos naghatag kaniya sa “tanang gahum ... sa langit ug sa yuta.”—Mateo. 28:18

“HESUKRUSTO, UG SIYA GILANSANG”

Ang nag-unang leksyon niini nga mga pulong mao nga hingpit nato nga nasabtan ug gidayed ang kamahinungdanon sa kamatayon ni Hesus isip lukat bayad, nga gihatag para kang Adan ug sa iyang kaliwatan. Iyang gihatag ang “iyang kaugalingon lukat para sa tanan, nga panghimatud-an sa hustong panahon.” (I Tim. 2:6) Mao kini ang unod sa mensahe sa Ebanghelyo. Si Pablo miingon, “Mga igsoon, buot kong ipahinumdom kaninyo ang Maayong Balita nga akong giwali kaninyo, nga inyong gipanagdawat, nga niini nanagbarug kamo karon, ug nga pinaagi niini kamo ginaluwas kon inyo kining kuptan pag-ayo-- gawas kon taphaw ra ang inyong pagtoo. Kay gihatag ko kaninyo ingon nga labing hinungdanon ang nadawat ko ra usab, nga si Cristo namatay tungod sa atong mga sala sumala sa kasulatan, nga siya gilubong, nga siya nabanhaw sa ikatulo ka adlaw sumala sa kasulatan.” (I Cor. 15:1-4) Ang kamatayon ni Hesus isip Manluluwas sa katawhan kausa lamang gikinahanglan. Dili na Siya kinahanglan nga ilansang pa ug “bag-o” (Heb. 6:6) Sa ulahi, sa iyang sulat ngadto sa mga Hebreohanon, gipahinumduman kita ni Pablo niining

importante nga kamatooran, “si Kristo, tapus makahalad sa makausa aron sa pagkuha sa mga sala sa daghang mga tawo.” “Ug pinaagi sa maong kabubut-on kita nangahinlo gikan sa sala pinaagi sa makausa ra ug dayon nga paghalad sa lawas ni Jesu-Cristo.”—Heb. 9:28; 10:10

Ang balaanong mga saad sa kaaron ug mga umalabot nga mga panalangin ang para sa atong espesyal nga kaayohan, nga unta kita “mga ginabantayan sa gahum sa Dios pinaagi sa pagtoo alang sa kaluwasan” (I Pedro 1:5) Ang hugpong sa mga pulong “ngadto sa kaluwasan” nagpasabot sa tumong sa atong atubangan. Kita kinahanglan gayud nga mahinumdom nga ang usa ka buhat sa gihapon kinahanglan nga buhaton sa sulod nato-usa ka buhat sa pagbag-o, ug sa pagkabalaan. “Mao kini ang kabubut-on sa Diyos” Si Pablo nisulti, “bisan ang ingong pagkabinalaan.” (I Tesalonica 4:3) “Si Cristo nahigugma sa iglesia ug mitugyan sa iyang kaugalingon alang kaniya, aron iyang balaanon siya sa mahinloan na niya siya pinaagi sa paghugas kaniyang tubig uban sa pulong, aron nga sa iyang atubangan ang iglesia ikatanyag diha sa katahum niini, nga walay buling o kunot o bisan unsang sulosama niini, aron magmabalaan siya ug dili masaway.”—Efeso 5:25-27

Sa katapusan, atong kanunay nga bantayan sa atong hunahuna ug kasingkasing ang daghang mga gisaad nga gihatag niadtong mga “determinado” sa pagtuman sa ilang mga pagpahinungod nga mga panaad. “Diha sa Dios ang inyong kinabuhi natago uban kang Cristo.” “Kay diha sa sulod ninyo ang Dios mao ang nagapalihok sa inyong pagtinguha ug pagpaningkamot alang sa iyang kaugalingong kahimuot.” “Sanglit may pagsalig man kita sa pagsulod sa Dapit nga Balaan pinaagi sa dugo ni Jesus, pinaagi sa bag-o ug buhi nga agianan nga iyang gibuksan alang kanato lahus sa tabil, nga sa ato pa, pinaagi sa iyang lawas.” “Hamili sa pagtan-aw ni Jehova Ang kamatayon sa iyang mga balaan.” “Dili kitang tanan mangamatay, apan kitang tanan mangausab, sa kalit, sa usa ka pagpamilok.”—Colosas 3:3; Filipos 2:13; Heb. 10:19,20; Salmo 116:15; I Corinto 15:51,52 ■